

POZIV ZA UČEŠĆE NA SAJMU POSLOVA „GLEDAJ SEBI POSLA 2026“

Poštovani,

Federalno ministarstvo rada i socijalne politike poziva Vas da budete dio trećeg, sada već tradicionalnog Sajma poslova „Gledaj sebi posla 2026“, koji će biti održan 3. i 4. septembra 2026. godine u Hotelu Hills u Sarajevu.

Nakon dva izuzetno uspješna izdanja, Sajam poslova „Gledaj sebi posla“ potvrdio je da je mnogo više od mjesta na kojem se predstavljaju kompanije i objavljuju oglasi za posao. Postao je prostor stvarnih susreta, mjesto na kojem poslodavci razgovaraju s ljudima koji traže priliku, a kandidati upoznaju kompanije u kojima žele graditi svoju budućnost.

Upravo su ti neposredni razgovori, kontakti ostvareni licem u lice i nova zapošljavanja koja su iz njih proizašla najveća vrijednost ovog sajma i razlog zbog kojeg mu se učesnici iz godine u godinu vraćaju.

Ovogodišnje izdanje okupit će više od stotinu kompanija, institucija, obrazovnih ustanova i partnera iz cijele Bosne i Hercegovine, potvrđujući status najvećeg sajma zapošljavanja u Federaciji Bosne i Hercegovine i jednog od najznačajnijih događaja posvećenih tržištu rada.

Učešćem na Sajmu imate priliku da:

- * predstavite svoje poslovanje, organizacijsku kulturu i mogućnosti zapošljavanja;
- * u direktnom razgovoru upoznate potencijalne zaposlenike različitih zanimanja, kvalifikacija i iskustava;
- * promovišete otvorene radne pozicije, programe stručne prakse i razvoja karijere;
- * ostvarite saradnju s obrazovnim ustanovama, institucijama i drugim relevantnim partnerima;
- * budete dio događaja koji spaja ponudu i potražnju na tržištu rada i otvara nove prilike za zapošljavanje.

I ove godine posjetiocima će biti dostupna aplikacija „Gledaj sebi posla“, putem koje će moći pregledati otvorene pozicije, upoznati izlagače i iskazati interes za radna mjesta prije samog Sajma, čime će susreti tokom događaja biti još kvalitetniji i konkretniji.


Organizator Sajma je Federalno ministarstvo rada i socijalne politike, uz podršku Federalnog zavoda za zapošljavanje, Fonda za profesionalnu rehabilitaciju i zapošljavanje osoba s invaliditetom, Udruženja poslodavaca FBiH, Privredne komore FBiH, Federalne informatičke agencije (FIA), UN agencija u Bosni i Hercegovini, kantonalnih službi za zapošljavanje, agencija za posredovanje u zapošljavanju i brojnih drugih partnera.

Radujemo se prilici da i ove godine zajedno stvaramo mjesto na kojem se susreću ljudi, ideje i prilike, a razgovori prerastaju u nova zaposlenja i dugoročna partnerstva.

Kontakt podaci izvršioca:

Kemal Balihodžić, email: kemal@oriormedia.com, tel. +387 61 977 774
Jelena Rašeta, email: jelena.raseta@fmrsp.gov.ba, tel. +387 33 255 446
Admira Mrndić, email: admira.mrndic@fmrsp.gov.ba, tel. +387 33 255 436

S poštovanjem,


MINISTAR
Adnan Delić